

Ո Ր Ո Շ ՈՒ Մ N 355/1
վարչական տույժ նշանակելու մասին

«15» մարտի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Խաչատրյան մոբիլսերվիս» ՍՊ ընկերության (ՀՎՀՀ՝ 01554548, հասցեն՝ ՀՀ, ք. Երևան, Աբովյան փող.372, բն.8) մաքսային ներկայացուցիչ «Արարատյան բրոքերային գրասենյակ» ՍՊ ընկերության (ՀՎՀՀ՝ 08616748) լիազոր անձ Վարդան Զոհրաբյանի (նույն. քարտ՝ 004507463) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Խաչատրյան մոբիլսերվիս» ՍՊ ընկերության կողմից թիվ 05100010/161121/0073890 ապրանքների հայտարարագրով 8508 19 000 90 ԱՏԳ ԱԱ ծածկագրով հայտարարագրվել են «Փոշեկուլ ZHEJIANG ROLY TECHNOLOGY RL118 B1000-30՝ ներկառուցված շարժիչով՝ 30լ-ոց տարայով, 1000վտ. հզորության» և «Փոշեկուլ ZHEJIANG ROLY TECHNOLOGY RLP208- D1200՝ ներկառուցված շարժիչով՝ 20լ-ոց տարայով, 1200վտ. հզորության» ապրանքտեսակները: Հայտարարագրով ռիսկերի կառավարման համակարգի միջոցով ընտրվել է մաքսային հսկողության «Դեղին ուղի» ընթացակարգը: Ապրանքների հայտարարագրման ժամանակ մաքսային մարմնի մոտ ապրանքների դասակարգման վերաբերյալ առաջացել է անհամաձայնություն:

Արարատյան մաքսատուն-վարչության 19.11.2021թ. թիվ Ն/20-1/210229-2021 գրությամբ փաստաթղթերն ուղարկվել են ՀՀ ՊԵԿ մաքսային հսկողության վարչություն՝ ապրանքների դասակարգման վերաբերյալ որոշում ընդունելու նպատակով, իսկ թիվ 05100010/161121/0073890 ապրանքների հայտարարագրով հայտարարագրված ապրանքների բացթողումն իրականացվել է 20.11.2021 թվականին հայտարարատուի կողմից հայտարարագրված ԱՏԳ ԱԱ ծածկագրով:

ՀՀ ՊԵԿ մաքսային հսկողության վարչության կողմից 29.12.2021թ. ուղարկվել է թիվ /8-2/84130/2021 գրությունը և 29.12.2021թ. թիվ ԱԴՈ-21-000119 և ԱԴՈ-21-000120 ապրանքի դասակարգման վերաբերյալ որոշումների: ԱԴՈ-21-000119 ապրանքի դասակարգման վերաբերյալ որոշման համաձայն՝ 8508 19 000 90 ԱՏԳ ԱԱ ծածկագրի փոխարեն պետք է լինի 8508 19 000 10 ԱՏԳ ԱԱ ծածկագիրը, իսկ թիվ ԱԴՈ-21-000120 ապրանքի դասակարգման վերաբերյալ որոշման համաձայն՝ 8508 19 000 90 ԱՏԳ ԱԱ ծածկագրի փոխարեն՝ 8508 11 000 00 ԱՏԳ ԱԱ ծածկագիրը:

ԱԴՈ-21-000119 և ԱԴՈ-21-000120 ապրանքի դասակարգման վերաբերյալ որոշումների համաձայն ԱՏԳ ԱԱ ծածկագրի փոփոխության արդյունքում՝ թիվ 05100010/161121/0073890 ապրանքների հայտարարագրում կառաջանա մաքսային վճարների մասով տարբերություն 973,397 ՀՀ դրամի չափով (84,643 ՀՀ դրամ մաքսատուրքի գումար և 888,754 ՀՀ դրամ ԱԱՀ-ի գումար):

Փաստի առթիվ 02.02.2022թ.-ին Արարատյան մաքսատուն-վարչության փաստաթղթային հսկողության բաժնի մաքսային տեսուչի կողմից «Խաչատրյան մոբիլսերվիս» ՍՊ ընկերության մաքսային ներկայացուցիչ «Արարատյան բրոքերային

գրասենյակ» ՍՊ ընկերության լիազոր անձ Վարդան Զոհրաբյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 15.03.2022թ. ժամը 09:30-ին, ինչի անցկացման վայրի և ժամանակի մասին «Արարատյան բրոքերային գրասենյակ» ՍՊ ընկերության լիազոր անձ Վարդան Զոհրաբյանը պատշաճ կարգով ծանուցվել է, սակայն չի ներկայացել: Գործի քննությունն իրականացվել է վերջինիս բացակայությամբ:

Նյութերի ուսումնասիրությունից պարզվել է, որ «Արարատյան բրոքերային գրասենյակ» ՍՊ ընկերության լիազոր անձ Վարդան Զոհրաբյանի կողմից «Խաչատրյան մոբիլսերվիս» ՍՊ ընկերության անվամբ թիվ 05100010/161121/0073890 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է բեռ, սակայն հայտարարագրի 1-ին անուն ապրանքի 33-րդ սյունակում ապրանքի ԱՏԳ ԱԱ ծածկագիրը 8508 19 000 90 ԱՏԳ ԱԱ ծածկագրի փոխարեն նշվել է լինի 8508 19 000 10 ԱՏԳ ԱԱ ծածկագիրը, իսկ 11-րդ անուն ապրանքի 33-րդ սյունակում ԱՏԳ ԱԱ 8508 19 000 90 ծածկագրի փոխարեն նշվել է 8508 11 000 00 ԱՏԳ ԱԱ ծածկագիրը, այսինքն հայտարարագիրը ներկայացվել է ոչ ճշգրիտ տեղեկությունով:

Հայտարարագիրը ճշգրիտ տվյալներով հայտարարագրելու արդյունքում առաջացել է մաքսային վճարների պակաս հաշվարում՝ ընդհանուր **973,397 ՀՀ դրամի** չափով:

ԵԱՏՄ Մաքսային Միության Հանձնաժողովի 20.05.2010թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա սյունակները, որոնց մեջ ներառված են նաև 33-րդ սյունակը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում՝ հանցագործության հատկանիշների բացակայության դեպքում՝

օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Այսպիսով, «Խաչատրյան մոբիլսերվիս» ՍՊ ընկերության մաքսային ներկայացուցիչ «Արարատյան բրոքերային գրասենյակ» ՍՊ ընկերության լիազոր անձ Վարդան Զոհրաբյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով առաջացել է մաքսային վճարների պակաս հաշվարկում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար «Խաչատրյան մոբիլսերվիս» ՍՊ ընկերության մաքսային ներկայացուցիչ «Արարատյան բրոքերային գրասենյակ» ՍՊ ընկերության լիազոր անձ Վարդան Զոհրաբյանին ենթարկել վարչական պատասխանատվության՝ տուգանելով **486,699 ՀՀ դրամի չափով:**
2. Որոշման մասին հայտնել «Խաչատրյան մոբիլսերվիս» ՍՊ ընկերության մաքսային ներկայացուցիչ «Արարատյան բրոքերային գրասենյակ» ՍՊ ընկերության լիազոր անձ Վարդան Զոհրաբյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ

ԿԱՐԵՆ ԲԱԲԱՅԱՆ